

Neophyti

- 22 ושכלל ייי אלהים ית אלעא די נסב מן אדם לאתה ואייתי יתה לות אדם:
- 23 ואמר אדם הדא זמנא ולא עוד תתברא אתה מן בר נשה היך מה דאתברית דא מני גרם מן גרמי ובשר מן בשרי להדא יאי למתקרין אתה ארום מן גבר אתבריית דא:
- 24 בגין כן יפרש גבר מדמכיה מן דאבוי ומן דאימיה וידבק באתתיה ויהוון תריהו[ן] לבשר חד:
- 25 והוון תריהוון ערטלין אדם ואתתיה ועד כדון לא הוון ידעין מה היא בהתתה:

CAPUT III

- 1 וחויא הוה חכים מן כל חייתא דאפי ברה די ברא ייי אלהים ואמר לאיתתא ארום אמר ייי לא תאכלון מכל אילני גנתא:
- 2 ואמרת איתתא לחויה מן פירי אילני גנת נאכל:
- 3 ומן פרי אילנא די במציעות גנתא אמר ייי לא תאכלון מנה ולא תקרבון ביה ולא תמותון:
- 4 ואמר חויה לאיתתא לא ממית תמתון:
- 5 ארום גלי וידיע קד[ם] ייי ארום ביומא די תאכלון מינה ויתפתחן עיינכון ותהון כמלאכין מן קדם ייי ידעין למפרשה בין טב לביש:
- 6 וחמת אתתא ארום טב אילנא למיכל וארום תחמדא הוא לעייניה ויאי אילנא למסתכלא ביה ונסבית מן פרוי ואכלת ויהבת לחוד לבעלה עמה ואכל:

22 ושכלל ייי אלהים | M || 23 דא 1.º c circello: M. | in M | 2.º דא | desider

[ארום אמר ייי | M ממריה דיי' | ייי אלהים | M | דבאפי [דאפי 1 3 די 3 | M כל אי[לני] [פירי אילני 2 | M | לחוד ארום אמ[ר] ממריה דיי' | M | דאית | M | 4 | M | ממית | M sed | 5 | M | גלי וידיע קדם | M | 6 | M | הוא + [טב

- 7 ואיתפתחון עייני תריהון וידעו ארום ערטליין אינון וחייטו להון
עלין דתינה ועבדו להון אורין:
- 8 ושמעו ית קל ממרה דיי אלהים מהלך בגו[א] גנתאה למשב יומא
ואטמר אדם ואתתה מן קדם ייי אלהים בגוא אלני גנתה:
- 9 וקרא ייי אלהים לאדם ואמר ליה הא כל עלמא דברית גלי קדמי
חשוכה ונהורה גלי קדמי ואת חשב דלא גלי קדמי אתר דאת
בגויה אן היא מצותה דפקדת יתך:
- 10 ואמר ית קל ממרך שמעת בגנתה ודחלית ארום ערטלאי אנא
ואטמרית:
- 11 ואמר מאן תני לך ארום ערטיליי את הא מן אלנא די פקדת יתך דלא
תאכל מנה אכלת:
- 12 ואמר אדם אתתה די שוית עמי היא יהבת לי מן אילנא ואכלית:
- 13 ואמר ייי אלהים לאתתא מה היא דא די עבדת ואמרת אתתא חויה
אשלי יתי ואכלת:
- 14 ואמר ייי אלהים לחויה ארום עבדת דא ליט תהוה חויה מן כל
בעירא ומן כל חיותא דעל אפי ברה על מעך תהוי שחף ועפר
יהוי מזונך כל יומי חיידך:

טרפין דתאנה [להון עלין ... אורין | M הנון [אינון | M ואפתחו [ואיתפתחון 7
מטיי[ל] בגוא גתה לתוקפי[ה] [מהלך ... יומא 8 || M ועבדו להון איסטלון
[יי אלהים 9 || M ממריה דיי בגו מציעות גתה [יי ... גתה | M דיומא
ואך את סביר דלית גלי קודמוי [ואת חשב ... דפקדת יתך | M ממריה דיי
היא | M [קודמיי leg] אתרא די את בגויה היך אינון פיקודייה די פקדת יתך
[ממרך שמעת בגנתה 10 || M פיקודייה די פקדיתך [מצותה דפקדת יתך
| M האדם [אדם 12 || M גרם [תני 11 || M דברך שמעת מטייל בגו גתה
N עבדית [עבדת | M ואמר ממרה דיי [ואמר יי אלהים 13 || M גבי [עמי
[עבדת | M ממריה דיי [יי אלהים 14 || N sed ה del | יתי [יתי | N sed
M. תהוי [יהוי | M יהוי [תהוה | N עבדית

- 15 ובעל דבבו אשוי בינך ובין איתתה ובין בניך ובין בנה ויהוי
 כד יהוון בניה נטרין אורייתא ועבדין פקודייה יהוון מתכוונין
 לך ומחיי[ן] יתך לראשך וקטלין יתך וכד יהוון שבקין פקודי
 דאורייתא תהוי מתכוין ונכת יתיה בעקבה וממרע יתיה ברם לבריה
 יהוי אסו ולך חויה לא יהוי אסו דעתידין אינון מעבד שפיותיה
 בעוקבה ביומא דמלכא משיחא:
- 16 ולאנתה אמר מסגיא אסגיא צעריך ועדוניך בצער תלדין בנין ולוות
 בעליך יהוי מתביך והוא יהוי רשותה עליך בין למזכה ובין
 למחטא:
- 17 ולאדם אמר ארום שמעת לקלה דאתתך ואכלת מן אילנ[א] די
 פקדת יתך למימר לא תיכול מינה ליטא תהוי ארעא מן בגללך
 בצער תיכל פירי עלליתיה כל יומי חיך:
- 18 וכו[ב]ין ודרדרין תרבי לך ותיכל ית עשבא דבאפי ברא עני
 אדם ואמר בבצו ברחמין מן קדמך יי לא נתחשב כבעירא למיכ[ל]
 עשבא דבאפי ברא נקום כען ונלעי ומן לעות ידי נאכל מזון
 מן פירי דארעא בגין כן יהוי מפרש בין בני אנשא לבין בעירא:
 19 בדעתה מן קדם אפיך תאכל לחם עד מחזורך לארעא ארום מנה
 אתברית ארום עפר את ולעפרא את עתיד חזר ומן עפרא את עתיד
 חזר וקאם ויהב דין וחושבן על כל מה דעבדת:

בין חויה לבין איתתה בין זרעית בנוי לבין זרעית [בינך ... ובין בנה 15
 יהוון שבקין ... | M לעיין באורייתא ונטרין פקודיה [נטרין ... פקודייה | M בנה
 ימנעון גרמיהון בנה דאתתה דלא למלעי באורייתא ולא למיטו[ר] [תהוי מתכוין
 ונכית יתהון בעקבהו[ן] [ונכת יתיה ... מעבד שפיותיה | M פיקודיה תהוי מתכוין
 וממר[ע] יתהון ברם לבנין דאיתתה יהוי אסו ולך חויה לא יהווי אסו ברם עתידין
 || M ביומוי [ביומא | למעבד leg [מעבד | M הנון אלין ואלין למעבד שפ'
 [ועדוניך בצער תלדין | ועדויך leg prob [ועדוניך | M לות אתתה [ולאתתה 16
 [מתביך ... עליך | M ועידודיך [ועידוניך aut ועיבוריך [leg? בצער תלידי
 תיכל 17 || cf 4, 7 [למזכה ... למחטא | M רחצונך והוא יהוי שליט עלך
 וכו[ב]ין | in textu! וכוכין [וכו[ב]ין 18 || M תוכל מן פירה כל [...] כל
 ומן לעות ידי | M ירוק עש[בא] [עשבא | M וקציין ודרדנין sic! [דרדרין
 [לבין | M הא בכן [בגין כן | M פירה [פירי | M מן לעות ידי וניכל [נאכל
 בדעת אפיך תאכל מזון עד זמן די תחזור [בדעתה ... לארעא 19 || M ובין
 M אינו כת[וב] יותר adnotat [מן עפרא ... | M לארעא

- 20 וקרא האדם שמה דאיתתיה חוה ארום היא הוות אמהון דכל חייא:
 21 ועבד ייי אלהים לאדם ולאיתתיה לבושין דאוקר למשך בשרהון
 ואלבש יתהון:
 22 ואמר ייי אלהים הא אדם קדמיה דברית יתיה יחידיי בעלמא היך
 מה דאנא יחידיי בשמי מרומא עתידין אומין סגיאין למקום מנה ומנה
 תקום אומ[ה] חדא דידעה למפרשה בין טב לביש אילו נטר מצותה
 דאורייתא וקיים פקודה אית הוה חי וקיים כאלן חייא עד לעלמין
 וכדון עד די לא נטר מצותיה דאורייתא ולא קיים פקודה הא ניטרו[ד]
 יתיה מן גנתה דעדן קדם עד לא יפשוט ידיה ויסב מן פירי אילן
 חייא ויכל ויחי לעלם:
 23 וטרד יתיה ייי אלהים מן גנתה דעדן למפלח ית ארעא די אתברי
 מן תמן:
 24 וטרד ית אדם ואשרי יקר שכינתיה מן מלקדמין מן מדנ[ח] לגנתה
 דעדן מן בני תרין כרוביה קדם על לא יברא עלמא תרין אלפין
 דשנין ברא אורייתא אתקן גנת עדן לצדיקיא וגהינם לרשיעיא
 אתקן גנת עדן לצדיקיא דייכלון ויתפרנקון מן פרי אילנ[א] על די
 נטרו מצוותה דאורייתא בעלמא הדין וקיימו פקודיה אתקן
 גהינם לרשיעיא דהיא מדמיה לחרב שנונה אכלה מן תרין סיטריה
 אתקן בגוה זיקוקין דנור וגומרין מבערן לרשיעיא למתפרעה
 מנהון לעלמא דאתי על די לא נטרו מצותה דאורייתא בעלמא הדין
 ארום אילן דחיין היא אורייתא לכל מן דלעי בה ונטר פקודיה
 הוי חי וקיים כאילן חייא לעלמא דאתי טבא היא אורייתא לפלחי
 בעלמא הדין היך פירי אילן חייא:

וברא [ועבד ייי אלהים 21 || M חוויא ארום דהיא [חוה ... היא 20
 ממריה דיי' הא הוה אד[ם] [יי ... אדם 22 || M במשך [למשך | M ממריה דיי'
 [פקן] דויי [פקודה | M וכדו טב דניטרווד etc [אילו נטר ... הא ניטרו[ד] | etc M
 למהוי פלח [למפלח ית ארעא | M ממריה דיי' [יי אלהים 23 || M
 leg [על לא | M ג[תה] [לגנתה | M [מדנ[ח] [מדנ[ח] 24 || M בארעא
 ברם פירי [ארום אילן ... כאילן חייא | M [ש[ני]גה] leg [שנונה | עד לא prob
 אילן חייא היא אורייתא[א] כל מן הנטר [דנטר leg] יתה בעלמא הדין הוי חי
 vel simile verbum vel leg פיקודיה inser [לפלחי | M וקיים מאילן חייא
 M. לפלחייא ולנטרי פקודיה היך [לפלחי ... היך | לפלחיה